

玉春 江秀鳳(四縣腔)

還記得鄰舍有一个妹仔安到玉春，係厥屋下个單生女，該央時佢正四、五歲，厥爺哀開工廠，逐日做到無日無夜，佢逐朝晨坐幼稚園个車仔去讀書，下課轉來就拿掛到頸根个鎖匙開門，書包仔放忒，就行到門墩下坐，看別人个爺哀牽等細人仔轉屋，有人騎自行車載子女下課，乜有騎 o do bai 接轉來个，玉春日珠圓叮叮當欣羨。

臨暗時節，巷仔係細人仔个遊樂場，大家就走出來搞，成時因人尋、跳格仔、撥索仔，搞到食飯時間咧，正分爺哀喊轉去。佢聽著佢兜在門背搞到大嫲聲，吾姆有吩咐，轉到屋愛先寫作業，作業寫忒正做得出去搞抑係看電視，故所佢同阿姐做毋得一下課就出去寮。一隻一隻細猴仔分阿姆喊轉去食飯了，玉春一儕人孤孤栖栖又坐轉厥門口墩仔項，坐到斷烏半夜，厥爺哀乜旨轉來。

事情過當久，正分吾姆知著，對該日起勢，吾姆下班轉來，就去喊玉春入來吾屋下，輒輒看佢頭那毛纒頭絞髻，面局糟嗒滴，吾姆就拿一條新面帕摺佢洗面洗手，專門分佢用，喊佢兩姐妹愛好好照顧佢，佢三儕共下看電視，等吾姆飯菜煮好，就摺佢共下食飯。

吾姆規定佢兩姐妹，九點就愛上眠床睡目，逐擺佢兜去睡目个時節會摺玉春講暗安，玉春用欣羨个大目珠看等厝兩姐妹上樓頂，吾姆日日就等到十點、十一點，下把仔等到轉點，玉春个爺哀還旨下班，吾姆自家愛上班，又愛洗碗筷、洗衫褲、晾衫，日日等到恁暗乜佇毋著，下後佢兜睡目个時節，吾姆就喊玉春用鎖匙開門入去佢自家屋下等，吾姆摺佢講恁暗地，毋好坐到門墩下，忒危險。

吾姆還係毋放心，輒常等到厥爺哀轉來，正睡得落覺，玉春个爺哀做事做到兩頭烏，連禮拜日乜渡等玉春去工廠，罕得看著佢兩公婆，算起來無已熟事，厥屋下係仰般个家庭乜無詳細，想著玉春衰過个童年，毋知佢大哋會變到麼个款个人，這下過來好無？

2018.5.23 在台中 55 路公車頂